



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

De homicidiis & calumniis episcoporum, & reliquorum ordinum. v.

urn:nbn:de:hbz:466:1-10722

mere potest precio iam supradicto, sextam feriam omnino
dis obseruet in pane & aqua, & nequaquam redimat. His
expletis, sacram communionem accipiat.

De homicidijs, & calumnijs episcoporum, & reliquo-
rum ordinum. Cap. V.

Ex cōcil.
apud
Theodo-
nis villā
habito.
cap. 3.

IN concilio apud Theodonis villam, vbi interfuerunt
LXXXII. episcopi, Hystolphus Moguntiensis archiepisco-
pus cum suis suffraganeis, Hetti Treuerensis archiepisco-
pus cum suis suffraganeis, Ebo Remensis archiepiscopus cum
suis suffraganeis, cum nuncijs reliquorum episcoporum
Galliæ & Germaniæ, ob nimiam præsumptionem quorundam
tyrannorum in sacerdotes domini debacchantium, &
propter factum quod in Vvasconia nouiter acciderat
episcopo Ioanne, inhonestè & inauditè mordridato, decre-
tum est, vt communi consensu & humili deuotione supplic-
carentur auribus principis, si suæ pietati complaceret, vt
calumnia in Christi sacerdotes peracta, iuxta synodalia de-
terminaretur pleniter statuta, hoc idem episcoporum iudicium
placeret, si ex toto secundum potestatem eorum posset de-
finiri, id est, vt canonica ferirentur sententia, hi videlicet
qui timorem domini postponentes, in ministros suos gra-
sare præsumerent. Quod si verò pietati eius complaceret,
iuxta capitula regum præcedentium, vbi eorum prouisionem
sericorditer in offensis pecuniæ quantitate interpolatam
pro consolatione sanctæ Ecclesiæ, vt præfata res per peten-
tiam ab imperatoribus sacerdotibus ad defensionem con-
cessam, & per pœnitentiam determinarentur, episcopo-
rum iudicio, si pietas illius collaudare voluerit, sic defini-
eis complaceret. Si quis subdiaconum calumniatus fuerit,
vulnerauerit, vel debilitauerit, & conualuerit, quinque
dragesimas sine subditis annis pœniteat, & trecentos soli-
dos cum sua cõpositione, & episcopalibus bannis episcopo
cõponat. Si autè mortuus fuerit, singulas supradictas
dragesimas cum sequentibus annis pœniteat, & CCC.
solidos, cum tripla sui compositione, & episcopalibus ban-
nis triplicibus episcopo componat. Si diaconum calum-
niatus fuerit, & conualuerit, sex Quadragesimas sine sub-
ditis annis pœniteat, & CCCC. solidos cum compositione
sua & episcopalibus bannis episcopo componat. Si autem
mortuus fuerit, singulas supra dictas sex Quadragesimas

cum sequentibus annis pœniteat, & DC. solidos cum triplici sua compositione, & episcopalibus bannis triplicibus episcopo componat. Si quis presbyterum calumniatus fuerit, & spassauerit, sex Quadragesimas sine subditis annis pœniteat, & DC. solidos cum triplici sua compositione, & episcopalibus bannis triplicibus episcopo componat. Si autem mortuus fuerit, duodecim annorum pœnitentia secundum canones ei imponatur, & DCCCC. solidos cum triplici compositione sua, & episcopalibus bannis triplicibus componat. Si quis episcopo insidias posuerit, comprehenderit, vel in aliquo dehonestauerit, decem Quadragesimas cum subditis annis pœniteat, & presbyteri occisum triplicem compositionem componat. Si autem casu & non sponte occiditur, cum comprouincialium episcoporum consilio homicida pœniteat. Si quis autem sponte eum occiderit, carnem non comedat, vinum non bibat cunctis diebus vitæ suæ, cingulum militare deponat, absque spe coniugij in perpetuum maneat. Aistolphus Moguntiensis archiepiscopus dixit: Si principibus placuerit, aliisque suis fidelibus, rogemus vt collaudetur & subscribatur. Et collaudatum est, & subscriptum est, tam à principe, quàm à cæteris omnibus.

De eadem re. Cap. VI.

Placuit nobis & fidelibus nostris, vt sicut ab episcopis & reliquis sacerdotibus ac Dei seruis, alio anno apud Theodonis villam admoniti fuimus & rogati, vt episcopi & eorum ministri quos Deus suo non humano iudicio reseruauit, iuxta sanctorum canonum, sanctorumque patrum, ac capitularium præcedentium regum coram positorum statuta, & Dei sacerdotes, eorumque cooperatores, quorum intercessionibus supplicationibus sancta Dei Ecclesia consistare videretur, intacti permaneant. Constituimus, vt si quis subdiaconum calumniatus fuerit, & conualuerit, pœnitentia canonica pœniteat, & CCC. solidos episcopo componat. Et si mortuus fuerit, iuxta id quod canones præcipiunt pœniteat, & CCCC. solidos episcopo componat. Si diaconum quis calumniatus fuerit, & conualuerit, pœniteat secundum canones, & CCCC. solidos episcopo componat. Si non conualuerit, iuxta præcepta syno-

Ex cõcil.
Triburiẽ
si, cap. 1.
Capitulũ
ecclesiast.
apud Triburiam à
Carolo
et primis
Galliæ et
Germaniæ
laudatiũ
et subscri-
ptum.